

中國方志叢書·華南地方·第二七號


據

民國十年吳棫修，蔡建賢纂  
鉛印本

影印

福建省

# 南平縣志



548066

成文出版社有限公司印行



\*10098610\*

中國方志叢書·華南地方·第二七號


據

民國十年鉛印本  
吳棫修，蔡建賢纂

影印

福建省

# 南平縣志



成文出版社有限公司印行

4280/100



\*10098611\*

重修南平縣志序

南平昔南劍州治延平四先生實生茲郡有理學名邦之譽余自束髮受書心焉慕之民國二年春奉簡命觀察是邦見其君子讀書而守禮其小民安分而力作隱然古之遺風也然當更化之世患鋼閉而利交通於是首興工藝兼事農林開學校以教之而冀貧瘠者庶幾富庶焉政暇之餘首披邑志而讀之曠闕百年慨然興嘆洎夫民國五年兼省長李公允議會修屬邑志之請遂令行各屬設局纂修余忝分督修之職以南平爲觀瞻所先之邑命前令吳君栻榜邑之有宿學者得蔡君篤齋章君卓人以總其事越四春秋告成爲表志傳其目三十有三卷二十有四其義例參舊志與通志另訂定凡例

而爲之裒然巨集也蔡君乞序於余余以暇日展讀一過見其中凡  
邑之天時地利無不備民之謠俗風土無不載官之職守政事無不  
書昔賢之嘉言懿行無不詳而又表忠勸孝敬節崇義幽潛必開遺  
逸必搜其於人心風俗之間順而導之激而揚之可謂備矣然而陵  
谷變遷滄桑興感知故而不知新者夏蟲不可語冰也可經而後可  
權者君子不可虛拘也故是志之修定其部居歸諸體要意雖主乎  
因而損益折衷補苴薈萃義兼取乎革誠以政由俗革道與時通吾  
願讀是志者知損益因革之異宜而奮發振興之尤有待於邑人士  
也是則余之所厚望也夫

中華民國十年一月溫陵蔡鳳襪序於建安道署

### 重脩南平縣志序

南平東越之奧區也城扼於山溪亂於石其巔崖峯嶽急流驚湍若有抑鬱不平之氣者焉顧地當閩北之中居高建瓴控三山而帶兩溪噤喉水陸屹然險固又雄視上游一巨鎮也今天下亦多故矣辛亥以還政體改革海內騷然羣不逞之徒假名義而使已私者所在皆是延郡箝密盜數潛滋始而行劫殺人繼且據城稱變閭閻蕩滌村市爲墟吾民顛沛流離之苦有不忍言者余奉

令來駐是邦蒐討軍實里豪巨孽旣禽獮而草薶之矣其備矣脅從者則傳檄各邑諭之歸農邇來幸稍安輯得與此邦賢士大夫相接晤溫純樸茂藹然有延平豫章之風又未嘗不欽而敬之兵事旣戢

南平縣志 卷一 二  
文治以興南平邑志之脩於焉告竣邦人士請序于余余維瘡痍之甫復而民志之日休也撫今追昔樂觀厥成爲序其山川形勢與夫世變所經櫛畧如此後之覽者亦將有盛衰興復之感歟若夫例別條分徵文考獻則自有在事諸賢之序在茲不贅

民國十年二月

湘南徐鏡清

## 重修南平縣志序

昔韓宣聘魯見易象春秋曰周禮在魯故覘國者知其國粹之能保  
卽知其政教風俗之所留貽也夫地無廣狹治無大小武城絃歌而  
巖濤易使單父臥治而下邑得人吾人一行作吏百廢待舉然有視  
爲可緩而實急者邑志是也蓋年幾代遷有古人難作之嘆是以文  
獻不足愈久而愈失其真及此而修之是亦難得易失之時也韓昌  
黎曰莫爲之前雖美弗彰莫爲之後雖盛弗傳改善作者必待乎善  
述而後一邑之政事文章曠觀止矣間嘗考舊志南平承有未理學  
之盛儒先輩出人文薈萃民樸俗醇禮教燦然越清初邑始闢爲志  
至嘉慶再修迄今逾百年矣洎民國初建之五年閩省議會提議修

各邑志上降令至余聞之竊心焉喜以爲是亦禮教之一端也使余  
邑國民觀是志而知親賢樂利之所由來者遠不亦善乎乃於丁巳  
六年開局採訪延聘孝廉蔡君篤齋章君卓人總其成焉越四秋修  
始告竣走東乞序於余余觀其條目整齊門彙分析令人一覽而知  
其事實悉備也余何贅焉然余有期於邑人士者夫揚羅李朱四賢  
之流風餘韻遠而未湮在人能自得師耳孟子曰豪傑之士雖無文  
王猶興其是之謂乎故立德立功立言三者俱不朽凡志之所載曰  
某也遺愛在民某也俎豆不祧其他偉節瑰行美不勝紀者大書而  
特書之亦以見斯邑政教之隆風俗之美有足多也是爲序

中華民國九年孟冬上浣前署理南平縣知事江蘇吳 棻謹序



重修南平縣志序

一邑之志猶一國之史也雖紀載有詳畧體例有寬嚴而述往事示來者其義一也南平爲有宋四先生過化之區吾道南來人志蔚起士食舊德農服先疇賢親樂利之休聲明文物之盛於今爲烈而邑乘之所流傳由來久矣惟舊志自清代嘉慶以還闕焉未修事曠百年文獻之存者蓋寡而辛亥鼎革時移勢易不勝滄桑之感則諮諏博訪亦曰艱哉然古者太史陳詩以觀民風一邑雖小亦在輶軒之所採徵文致獻責在有司邑乘之修曷可緩乎余於己未八年權南平縣篆適邑人纂修邑志將次蒞事及今冬告成請序於余觀其爲書條目燦然一本省通志擬定凡例而參諸舊志搜羅必廣採擇必

嚴信實錄也凡一邑版圖之大山川之勝物產之富詩書禮樂之賄  
振廢起衰之故後之覽者得以興感焉於是邦文獻豈曰小補也哉  
中華民國九年歲次庚申仲冬月前權南平縣知事漢陽周廣慈謹  
序

## 重修南平縣志序

邑之有志由來尙矣然自歐化輸入人競新學凡志乘之作流俗多以不足重輕置之而不知網羅散失辨析是非述往事以昭示來許使讀者慨然興起相與廉頑立懦革薄從忠其關係於政教風俗者至深且巨非僅以爲文獻之資已也南平邑志舊附於郡其析而爲書者昉於前清康熙年間朱邑令夔越嘉慶十三年楊邑令桂森乃一修之自是厥後迄民國紀元中間相隔百年可紀之事指不勝屈而闕焉未備考古者每引爲憾事歲丁巳吳前令希敬始奉檄重修聘邑中孝廉蔡君篤齋司總纂並延致知名士以贊襄其事歷四寒暑而書成適予今春權邑篆謀以付剗自愧於斯志初未嘗有所

裨助而竊以得觀成書爲幸因反覆讀之見其於沿革山川物產職官禮俗藝文等類可備一方掌故者則爲之斟酌損益以仍其舊於學校選舉捐稅實業交通外交等類其事屬創舉者則爲發凡起例以啓其新而尤於循吏名儒忠孝節義以及文苑獨行諸傳一篇之中三致意焉凡以爲勸世磨鈍計意至深也於戲操觚者之用心可謂苦矣夫南平爲道學重興淵源所自之地楊羅李朱四先生之流風遺澤至今未艾以言道德則師其言行之一節便可爲鄉里善人以言政治則內聖外王之學班班可攷所謂措之一邑而一邑治措之天下而天下治是也世方更化百度維新竊以爲政之要必先之教而教必本於道政可因時以制宜道則歷久而不變予昔幕游閩

中上游各邑案牘之餘每喜讀四先生所著諸書雖不能蘄至乎萬一而確有見修齊平治之旨如日月之經天如江河之行地今幸承乏此間覽斯編所載前賢之嘉言懿行特詳敢不以向所景仰者而益加自勉並期與都人士共勉之也哉

中華民國十年歲次辛酉夏月代理南平縣知事浙紹沈鏡元謹序

1  
2  
3  
4  
5  
6  
7  
8  
9  
10  
11  
12

## 重修南平縣志序

今之世我國國境內就行政之便利定爲一地方北京二十二行省四特別區域綜其下轄縣千有數百考厥沿革大半縣各有志然天文緯候山川地理人民戶口賦稅物產學校武備實業交通外交禮俗均有自然政治之關係非僅徵文考獻成一代之紀載史徒備皮藏而供蠹蝕已也故以優良之人種佔優良之地勢便能相得益彰日趨強盛非是則日就衰亡幾爲世界之公理是以人文因藉自然地理以發生而自然地理又非人文不足以發明而光大之國上游各邑首指南平本延郡之負郭山溪與阻俯視省會有類建瓴以言用兵形勢誠爲扼要辛亥改革以還中原多故萑苻因而傲擾南平以

南平縣志卷一  
上各邑咸苦不靖鳴鏑在郊絃歌頓輟余以戊午冬總師是邦稍事  
緩輯旋慶安堵乃得進而與邑之賢士大夫從容坐談知爲有宋以  
來理學名邦楊羅李朱四先生餘風未沫士多讀書守禮小民亦知  
安分力作固儼然具有優良之人種非不可興實業善交通而猶未  
能銳於進化者則地勢爲之也夫民無異性俗有異宜因其利而導  
之知其宜而制之是在當局者善爲之謀非余言所敢越俎也往與  
蔡鏡湖道尹握手南劍州戎帳中見瘡痍甫復不禁慨然世變自新  
民生日困文治之布施不容一日緩忽忽居諸又已三更裘葛余方  
理省防駭麗州而邦人士以新修南平縣志書成持示一編展讀終  
卷部居燦列含有政治史文化史之性質足以發明地理人文之關



繫視我國舊日府縣志編纂義例有進且與余向日對政治家論治  
所欲言者有合也爰樂而爲之書數言簡端請還質之鏡湖道尹以  
爲何如

民國十年九月陸軍中將前福建陸軍第一師師長省防司令皖毫  
姚建屏序於三山軍次